

Sakspapir

Saksbehandler	Arkiv	ArkivsakID
	FE-046, TI-&01	19/68

Saksnr	Utvalg	Type	Dato
015/2019	Kommunestyret	PS	28.03.2019

Endring av NGIR sin selskapsavtale

Forslag til vedtak:

Modalen kommune vedtar at revidert selskapsavtale for NGIR skal gjelda frå 01.01.2020, under føresetnad av at alle eigarkommunane gjer likelydande vedtak

Saksopplysningar:

Bakgrunn

Lindås kommune, Meland kommune og Radøy kommune vert slått saman til Alver kommune med verknad frå 01.01.2020. Dette inneber m.a. at einskilte formuleringar i NGIR sin selskapsavtale må endrast. Det er og ynskjeleg å gjera nokre endringar i selskapsavtalen som følgje av endra lovverk og/eller endra praksis.

I § 33 i NGIR sin selskapsavtale er det lista opp kva paragrafar som kan endrast av representantskapet med 2/3 fleirtal, og kva paragrafar som krev godkjenning i alle eigarkommunane. Dette er og regulert i Lov om interkommunale selskap, § 4 Selskapsavtale. For heile lovteksta, sjå <https://lovdata.no/dokument/NL/lov/1999-01-29-6>.

NGIR sitt representantskap gjorde 29.10.18 vedtak om ein del endringar i selskapsavtalen, innanfor sitt mandat. Representantskapet vedtok i tillegg å råda alle eigarkommunane til å gjera vedtak om dei endringane som går fram av vedlagte endringsdokument.

Frå representantskapet sitt vedtak 29.10.18:

”Kommunane Austrheim, Fedje, Gulen, Masfjorden, Modalen og Solund vert bedne om å handsama saka våren 2019, og å gjera vedtak om at revidert selskapsavtale for NGIR skal gjelda frå 01.01.2020, under føresetnad av at alle eigarkommunane gjer likelydande vedtak. Kommunane Lindås, Meland og Radøy vert bedne om å førebu saka for handsaming i kommunestyret i nye Alver kommune i nov./des. 2019, med vedtak om at revidert

selskapsavtale for NGIR skal gjelda frå 01.01.2020, under føresetnad av at alle eigarkommunane gjer likelydande vedtak.”

NGIR ber om at alle eigarkommunane førebur sak til handsaming i kommunestyra i tråd med oppmodinga frå representantskapet.

Vurdering

Nokre av endringane i selskapsavtalen er knytta til eigarstruktur og etablering av Alver kommune, og er difor heilt naudsynt å gjennomføre. Dei fleste av dei resterande endringsforslaga er tilpasningar i forhold til lovverk som regulerer interkommunale selskap, jf § 4 – Selskapsavtale.

Rådmannen vurderer difor at det er naturlegt at Modalen kommune føl oppfordringa frå representantskapet i NGIR sitt vedtak frå 29.10.2018, og dermed gjer eit likelydande vedtak som dei andre eigarkommunane.

Kommunestyret - 015/2019

KS - behandling:

Ordførar og rådmann orienterte kort om saka og svara på spørsmål
Samrøystes vedteke

KS - vedtak:

Modalen kommune vedtar at revidert selskapsavtale for NGIR skal gjelda frå 01.01.2020, under føresetnad av at alle eigarkommunane gjer likelydande vedtak

Vedlegg:

Brev til NGIR sine eigarkommunar - Vedlegg - Framlegg til endringar i NGIR sin selskapsavtale som kommunane må godkjenna

Brev til NGIR sine eigarkommunar - Vedlegg - Framlegg til revidert selskapsavtale NGIR - Gjeldande frå 010120

Brev til NGIR sine eigarkommunar - Vedlegg - Gjeldande selskapsavtale NGIR - Revidert 2018